

道法會元卷之一百六十

京五

上清天蓬伏魔大法

禹步斗罡天策論

夫步罡者乘於正炁以禦物訣目者生於神機而運化修仙鍊真降魔制邪莫不基之於

此其禹步者法乎造化之象日月運行之度也一月一交一交三旬三旬者盈數也一時

三月九旬是以一步一交三迹象一時也並足象天地交也先舉左足者應叶春秋之步

先舉右足者應叶冬夏之步春夏之孟陽神也秋冬之孟陰神也故生殺制禦用春秋收

歲積聚用冬夏又云三步九跡者法象三光九炁也十二跡者法於律呂也又十五跡者

法三五之數也因用制宜存乎法訣而稱禹步者大禹治水而成厥功天授此步以制神

靈誅斬馘伐因名禹步焉

凡步罡履斗先變神坎存三元五德將軍功曹吏兵侍衛森列然後發步經云能以神存心步則不必履斗但次第念呪可也

淨身呪

吾以月洗身以日鍊真仙人輔已玉女佐形二十八宿與吾合併千邪萬穢遂然而清急急如律令

左手掐紫微訣右手掐天罡訣取此炁吹於身

歲身呪

吾是天目與天相逐晴如雷電光耀八極微見表裏無物不燭急急如律令

右用左三鬼印右七鬼印存帶帶斗九星於泥丸宮現默念下呪

三鬼七鬼呪

三鬼將軍七鬼童子衛我步斗願過天關毋令誤事急急如律令

又呪曰 吾受天師正心寶印佩帶隨身自然通幽達冥上徹九天吾行禹步得道升仙三鬼佐衛


七鬼隨行不出不入永保長生急急如太上變神律令敕

天授禹步既濟未濟斗罡

既濟斗罡 陽日用



未濟斗罡 陰日用



右禹步訖左右手山字訣念呪

普護呪

乾尊耀靈坤順內營二儀交泰六合利亨配天享地永寧肅清應感元皇上衣下裳震登良興坎潤離明巽旺兌生虎步龍驤天門地戶人門鬼路衛我者誰昊天昊蒼今日禹步上應天罡鬼神竇伏下辟不祥如求如願萬靈冥當救吾身中五苦八難九厄百病千災萬禍凶神惡鬼圖謀口舌天羅地網年殃月耗五行攝捉押赴魁罡誅滅受死入地千尺無動無作急急如律令敕

拆斗呪

北斗靈靈斗柄前星貪狼操惡食鬼吞精巨門垣赫照耀光明祿存吐霧統領天兵霞衝文曲光耀康貞威臨玄曲真人輔星天罡大聖破軍尊星鬼妖蕩盡人道康寧急急如北斗七元星君律令敕

七星罡



右九步斗罡先以左足橫右足直又移前足橫右足直又再步換橫作直直作橫一二編作丁罡立如七星也後又步七星罡從魁至魁

又七星斗罡



右步七星從第一魁星至第七魁星謂之順行反回七星至第一星謂之復從又自

第一星至第七星謂之反行一炁運息作意反順復步罡斗鬼神歸欽邪魔敵伏在依法而行焉

禹步九跡罡




右念前呪手剔足步自一至九復立于中

九跡罡呪

白炁混沌灌我形禹步相催登陽明天迴地轉步七星躡罡履斗躡九靈衆神助我斬妖精惡逆摧伏邪魔傾萬火消滅我長生得道飛昇才利貞急急如律令

九鳳雷火破穢斗罡



破穢罡呪

九鳳破穢邪精滅亡天將騎吏徑下雲網斗轉星移激灑三光上應九天下統九地雷公


霹靂風雲際會畢滿十方乾坤定位萬邪不干衆神侍衛急急如九鳳破穢真人律令敕

凡入壇朝謁先當破穢使形體清潔慎勿反顧其法先存九鳳真人一人朱水皂幘朱履立頭上有丹鳳九頭吐火炎炎繞身步罡發訣存神行用

陰陽豁落斗

凡步此斗務先存神叩齒左手掐丑文想履斗將吏在前結斗印捧心右手劔訣又腰背斗向罡立念呪至履天英方入斗步至九宮退罡中宮隱閉地戶望天門至天罡而立

陰斗式 冬至後步此




陰斗呪

斗要妙者十二辰乘天罡者威武陳烈鬚鬚  
 兮如浮雲九變動兮上應天知變化兮定吉  
 凶契廣大兮有區分入斗宿兮過天關合六  
 律兮持甲乙復天英兮乘天任清泠淵兮可  
 陸沈傍天柱兮攤天心從此度兮登天禽倚  
 天輔兮臨天衝入天內兮出天蓮斗道通兮  
 剛柔濟添福祿兮鍊後世出香冥兮千萬歲  
 一歌之後步六時九歌三步三百載急急如  
 元斗步教律令

訣曰


戴九復一肘頭三七肩撲二四膝抵六八五  
 為肚腹定為中黃嬰兒端坐統攝八方縱橫  
 步躡妙不可量

陽斗式 夏至後用此



日月明乾坤配人道與鬼道廢吾從天蓬入  
 天內畧過天衝逢輔退反歸天禽與心對把  
 天柱兮任英會斗道通行按純神人道通兮  
 鬼道廢千邪萬穢皆迴避急急如  
 元斗步教律令

交乾斗



步斗訣

坎雙良隻步交乾震上雙行兌亦然坤隻離  
 單雙步異三台歸去上朝天

斗罡呪

乾元亨利貞日月敵吾形萬災不能干壽與  
 天同齡急急如律令

步罡詔結紫微印誦呪存身來自鶴飄然  
 直至天門朝謁帝君迷陳心意奏達然後  
 旋身出斗

步斗法式

凡步斗以清旦日將出之時於潔淨地上  
 步之或靜夜正中天星下向旺方念折斗  
 呪存斗光下覆地上光芒炳耀以存己身  
 如真人狀項生五色圓像光映十方即步  
 斗罡八步凡呪八角以丁罡八字步左手

卯文藏袖中陽日左足在前陰日右足在  
 前一云春夏陽斗秋冬陰斗凡步至自己  
 本命星上但以足尖點過不得實步否則  
 罰剋人之壽算步斗時念北斗靈靈斗柄  
 前星至破軍尊星呪盡以脚踏起斗於頭

上罡星指前次收脚緊踏立第六星向罡  
 星誦天罡呪七徧祝云

上告天罡大聖破軍尊星誦咒惡滅跡除  
 形所求如願使臣身中五苦八難九厄百病  
 千災萬禍兇人惡鬼年衰月耗並行攝赴魁  
 星之下受死毋動毋作伴令所患立獲痊安  
 右想邪惡入地無有蹤跡即自斗外轉身  
 步三台入斗口丁立後出斗即取吾身在  
 地上之義也

斗斗法

凡夜時後魂神飄蕩軀殼空然何有神而守衛夜時之時先須靜定端坐存倉狼星在肩上叩齒一通密呪曰

陽明大魁玄極文昌使我魂鬼俱遊天罡

右存頂出青炁一道直下灌入口中吞下

次存巨門星在額叩齒七通密呪曰

陰精北極太上瓊璣使我魂鬼與日相隨

右存黑炁入口吞之次想祿存星在頭上叩齒一通密呪曰

天靈節榮願保長生太玄之一守其真形五臟神若各保安寧

右存青炁下注口中吞之次想文曲星在頂上叩齒一通密呪曰

玄冥瑤光紫微太陽使臣魂鬼俱行玉堂右存青炁入口吞之次想廉貞星在背上叩齒一通密呪曰

丹元紫宮太上辰星使臣魂鬼俱過神津右存紫炁如絲入口吞之次想武曲星在腰上叩齒一通密呪曰

俗居小人好道求靈願見尊儀永保長生

右存紫炁入口吞下復存破軍星在指足叩齒一通密呪曰

天帝釋韋佩帶天罡五方光慈之鬼何不消亡飛仙一吸萬鬼伏藏


右存赤炁入口吞下存光明照耀鬼定神寧然後安息而卧

三步丁罡

大輪罡

正一天師微弟子洪百法製作

大輪罡



朱陵使者北斗神真六甲童子大輪將軍吾左輔青龍大將右輔白虎大神朱雀玄武神將左右常衛吾身呼吸一口光耀八門急急如律令敕

飛神入斗訣

先步斗自柄入斗口回至柄踢斗單身再步入斗口三禮俯伏存神如法出五色雲

炁已身乘之舌為金橋如長虹直入斗中已身乘炁登橋至斗口見光明煥耀其中有玉樓金階默時四直使者下降檢度訖良久有紫雲異香紫色光入戶乃斗內星君下降切忌男女孝服腋氣犯日月血傷污穢師巫卜筮妬心技術之徒猶犬鷄鵠觸犯犯則行持無驗

八卦斗罡


巽雙離隻坤單步震上單行兌亦雙艮上獨行坎一隻天門雙立望天罡

右罡乃是八跡十二步乃天地日月四時之行九宮八卦之總大道之元炁也

五行相催剛劔持威六甲輔我三台辟非天迴地轉旋斗歷箕左旋出斗陰陽開闢長生

出斗呪

八卦斗罡



訣曰

巽雙離隻坤單步震上單行兌亦雙艮上獨行坎一隻天門雙立望天罡

右罡乃是八跡十二步乃天地日月四時之行九宮八卦之總大道之元炁也

五行相催剛劔持威六甲輔我三台辟非天迴地轉旋斗歷箕左旋出斗陰陽開闢長生

出斗呪

巽雙離隻坤單步震上單行兌亦雙艮上獨行坎一隻天門雙立望天罡

右罡乃是八跡十二步乃天地日月四時之行九宮八卦之總大道之元炁也

五行相催剛劔持威六甲輔我三台辟非天迴地轉旋斗歷箕左旋出斗陰陽開闢長生



斗而出奇門也且飛罡躡紀之道幽深玄遠若違乎三奇九真之妙不必出天蓬天英二星但立天罡所指之地向其方步七元罡亦能絕鬼怪之靈響矣

明光樞要訣目

祖師心傳訣目通幽洞微名神禦鬼要在於握訣默運虛元因目之為訣也

玉清訣又名玉帝訣又名天師訣

左手大指拍中指中節中文

上清訣

左手大指拍中指中節

太清訣

左手大指拍中指下節

北帝訣

左手大指拍中指中節左側

本師訣

兩手大指拍第二指根存見本師

紫微印又名伏邪印又名歇印

以小指從四指背過中指勾定大指拍第四指第三節中指拍掌心橫文直二指四

指化身為北帝指揮一切鬼神及召三十六將以此印舉騰下合三台諱指揮強邪惡神降伏惡鬼拍二節名天罡印拍第一節名斗印拍第二節外為真武印拍煞文為伏魔印

丁甲印

以大指壓中指拍乾上四指壓大指

都監訣

大指壓二三指拍乾上四五指壓大指

變神訣

以小指從四指背過入中指勾定大指拍

中指中節直二指變神時從眉前上面上

左右巡邏

元帥訣

左手以大指點第二指一二三四節默念

魁魁魁魁復以第二指點大指一二三點

念魁魁魁每以大指拍住煞文

元帥印

以五指從四指後過中指勾定大指拍四指中節第二指拍虎口

都天大法主印

四指並拍掌心橫文大指拍寅文朝帝時

變神為法主

火鈴印

小指從四指背過中指勾定大指拍第四

指中節第四指勾定大指中指曲第二指

拍虎口

天羅地網訣

以左手三四五指勾定右手三四五指右

手大指拍左手大指甲下以左右二指開

倉兜畢即以二指相合撒向患家

迷魂臺訣一名三真印

兩手無名指於中指背交過二指勾定兩

中指背根靠直起以大指相交拍兩手小

指酉文

鷹印

以大指壓第二指中指仍以大指拍四指

根直第四指第五指

犬訣

以四指拍大指根大指拍小指中節



二景印

以左右手中指各入大指根抵為圓圈狀  
交兩手二指直兩手四指五指書日月華  
用之  
都監印

以左手大指拍中指中節行符發兵用之  
擊兵發將印

左手大指拍中指橫文曲第二拍於大指  
下書符用之發兵自中指出

直月五將訣

鐘師卯文寶耀午文伯拍酉文兵侯子文

寶寶煞文

都統符印

以左右手中指相勾二大指各拍兩四拍  
上節二拍五指皆直書本符用之

道法會元卷之一百六十

道法會元卷之一百六十一

上清天蓬伏魔大法

祈斗謝過品

夫人業於情慾繫諸嗔癡一念罔明心欲  
為之不害者鮮矣多罹殃禍蒙咎不無欲  
要除災解厄集靈延生當祭七元所祈必  
應不可邪心私禱切懇用燈燭鮮果淨茶  
棗湯香花淨水油餅皂糖各七數陳列羅  
布供獻用白粉雌黃書符念元帥呪書之  
豎於每燈之頂各依次序排列以左手大  
指自子至中指甲下拍定念七星名呪上

燈畢次淨心蕩穢上香三禮存北斗七星  
各生光芒交錯混合下決己身以鼻引入  
口中吹禱上化為七星形狀獻茶湯上香  
再拜祈禱又飛神遐想定法存真人自心  
中出來五彩雲霞回旋空漢有碧水金池  
玉山萬頃中有瓊樓金闕玉階蕊蕊香香  
紫光交映默呼四直同八其中玉案之側  
先見二使者至引導導尊敬作禮階下八拜  
陞階進前俯伏跪奏陳述事由畢次復上

京六

香再拜化錢馬雲鶴共七隻存向來七星  
乘紫煙雲炁復入斗中又上香以左手結  
天關印誦天蓬呪四十九遍或一百二十  
遍取罡炁以天關印於燈上良久看燈以  
驗凶吉


焰紅長吉 焰紅散吉 焰黃吉

焰赤吉 焰青短吉 焰散短吉

焰白吉 焰黑不祥

右驗燈或五色具備光明大吉乃斗真下  
降之瑞兆也

七元禱符第一



第二

